


CEACHT 21

AG DUL GO DTÍ AN SIOPA



- A. Athdhéanamh ar chuid den fhoclóir a bhaineann le cúrsaí siopadóireachta,
m.sh. milseáin, briosaí, criospaí, etc.
- Abairtí úsáideacha i ngnáthchaint na scoile a chleachtadh,
m.sh. Ceannaigh milseáin sa siopa.
Ceannóidh mé.
Céard/Cad a rinne tú?
Cheannaigh mé milseáin sa siopa.

B. Cloisteáil, Aithint, Aithris

Bunchomhrá

Tá Daidí agus Colm sa bhaile. Tá Colm ag léamh. Níl Daidí ag léamh. Níl páipéar aige.

Agallamh

- Daidí:* Rith go dtí an siopa agus faigh an páipéar dom.
Colm: Tabhair dom an t-airgead, más é do thoil é.
Daidí: Seo duit an t-airgead.
Colm: Slán agat.
Daidí: Déan deifir anois, a Choilm.

C. Cleachtadh

Cá bhfuil Daidí agus Colm?
An bhfuil Nuala sa bhaile?
Céard atá Colm a dhéanamh/Cad atá á dhéanamh ag Colm?
An bhfuil Daidí ag léamh? Cén fáth nach bhfuil Daidí ag léamh?

Cleachtadh a thabhairt do na páistí ar chuid de mhúnlaí an Bunchomhrá,

m.sh. Níl páipéar aige/agam/agat/aici/ag Daidí.
Faigh páipéar dom/milseáin/criospaí/lón/leabhar, etc.

D. Leathnú

Amhrán (An ceol ar théip)

I

Déan deifir anois, déan deifir anois,
An páipéar, an páipéar, déan deifir anois.

II

Cá mhéad atá air, cá mhéad atá air?
An páipéar, an páipéar, cá mhéad atá air?